

四庫全書

集部

欽定四庫全書

宋詩紀事卷七十七

錢塘厲鶚撰

曹 斐

斐官著作郎

登南山塔

平生登塔與登樓
亂盡鄉心送盡愁
試上南山山下塔

依前懷古復悲秋

咸淳臨安志

李 敷

敷臨安縣令

雙林院

雙林高寺秀峰環我欲題為小徑山炎月一遊神骨爽
天風相送出松關

咸淳臨安志

李邦美

題句容酒肆壁

青帟白面關挑菜茅舍竹籬疎見梅春事隔年無信息
一聲啼鳥喚將來

山房隨筆

趙萬年

萬年南渡時從武科備戎行于襄陽屢卻敵人
有裨幄集

程機宜宅喫豆粥

豆紅米白間青疏髣髴來從香積厨異日大官還飽飫
不應忘卻在蕪婁

偶成

一心憂國不憂家掠面黃塵帶晚沙郵傳不通音問隔

欽定四庫全書

宋詩紀事
卷七十七

二

家人夜夜卜燈花

以上曹氏歷代詩選

王執禮

執禮號竹寮金華人

遊玉仙洞題碧雲石崖

在臨安志

已從鹿巖遊更入龍洞去橫足螭螭行連臂猿猱度徑
滑鏗蠟屐陰屋然樺炬振策扶顛躋捫蘿猛攀附塗險
幾欲窮境勝思有遇豁訝通石竇參差流石乳形開趣
彌深興集理自裕便將遺世紛且復滋幽步紆徐窮冥

搜淹留迫頽暮題詩識蒼壁聊寫心跡素重遊豈無期
恐忘來時路

錢王太廟

數間老屋半塵埃宗社雖存沒草萊尚有遺民呼太廟
可堪游鹿上荒臺花開陌路空餘恨麥被陵陂不盡哀
三節還鄉平日志化為杜宇定歸來

錦溪

微雲淡日半昏明初換春衫步履輕行到小橋幽絕處

高吟詩句答溪聲

以上咸淳臨安志

周芝田

芝田浙人

彈琴

膝上橫陳玉一枝此音唯獨此心知夜深斷送鶴先睡
彈到空山月落時

句

淋漓滿腹藏春雨突兀半拳生曉雲

石上兩竹

草香花落後

雲黑雨來時

以上山房隨筆

盛雪巢

偶作

臯夔不著書周召不決科端坐廣堂上四海臻泰和吾

道固如是後來文藝多嗒然空山中獨抱明良歌

吳禮部詩

話

陳柏

柏字茂卿號南塘

懷友

攜書入空山，幾若與世絕。俯仰一室間，頗見古人別。良
朋令人思，思君意彌切。食芹羞自甘，那得共君啜。
吳禮部詩話

趙聞禮

聞禮字立之，號釣月，見絕妙好詞。

句

西風昨夜摧黃葉，秋亦無心在菊花。
全芳備祖

張樞

樞號雲窗

游大滌

一曲朱闌百尺餘仙人自是愛樓居松風不動千山靜

月滿天壇人步虛

洞霄詩集

林次麟

曲竹

出臨平山相傳唐丘隱士丹成羽化植杖于此其竹皆曲

直節棱棱是此君耳孫卻以曲為名首陽山下知難種

只可斜封向管城

咸淳臨安志

樓楚材

句

晚歸烟樹立猶見曉向雪汀飛若無鷺有時移向西堂

去一座青山逐手來

屏風

方回桐江集

張偉

偉號芝田

馬塍

水拍田塍路半斜，悄無人跡過農家。
春風自謂專桃李，也有工夫到菜花。

薦菊泉

一名寒泉

近來湖上風光改，古蹟三賢亦就遷。
獨有菊泉能定力，歲寒堅守此山前。

以上咸淳臨安志

李介山

梅雨潭

靈源分左界，千仞落飛泉。
散作一空雨，長如四月天。
挂

品寒練直濺席水珠圓漱石龍應在山扉浮翠烟

仙品寺志

俞 琰

琰字玉吾長洲人咸淳末應舉無成入元隱林

屋山以讀易自娛有林屋山人集書齋夜話席

工 腐 談

焦山寺夜坐偶作

夜宿焦山寺月明聞櫓歌蜀江到吳盡海舶過淮多風
浪翻龍窟霜林露鳥窠詩成忽有酒不飲欲如何

客裏送春

擠排落絮隨風去
分付殘花趁雨飛
自笑鶴身歸未得
卻從客裏送春歸

贈華陽道院琴士商碧山

來往晴巒縹緲中
滿身空翠濕衣濃
相尋欲聽蓬萊曲
還在華陽第幾峯

以工林屋山人集

海牒

生以鰕為目
來從水母宮
堆槃凝凍結
停筋便消融
瑩

緊玻瓈白編爛瑪瑙紅酒邊嘗此味牙頰響秋風

書齋
夜話

鄭震

震更名起字叔起號菊山連江人所南翁其子
也有倦遊橐清雋集

宿虎丘

到晚歸不去因而此宿休雲深千古寺月冷一天秋崖
裂池如東天虛塔欲浮最宜初日上高處看雲收

餘杭道上

五年茲路上頻往又頻還歲月孤松老風霜苦竹斑
溪流天目水雲出洞霄山馬上因閒眺蜉蝣遊宇宙間

歸去

歸去豈不好平田帶淺林春猿鳴雪澗晴日轉雲岑
世久無鳴犢時當學展禽吾生今老矣梁甫豈能吟

荆南別賈制書東歸

來時秋雨滿江樓歸日春風度客舟回首荆南天一角
月明吹笛下揚州

卜居

久欲謀歸力不任
浮雲蹤跡謾巢林
功名未入屠龍手
貧賤常懷買鶴心
月下開門微雨過
樓頭聞笛二更深
世間萬事俱陳迹
空倚西風閱古今

以上清雋集

王夢應

夢應字聖與一字靜得
長沙攸縣人咸淳十年
進士調廬陵尉元兵陷
臨安起兵勤王兵敗奔
永新卒

鄧光薦文丞相督府忠義傳吳希夷陳子全王
夢應皆攸縣士人自通于同督府與趙璠相應
景炎即位事聞承制授官各有差

東歸

一櫂仍為別他鄉復避兵客隨風雨老春著鼓輦輕宇
宙關何事艱危得此生門前一溪水幾日到江城

甲申元日

上日仍漂寄尊前客又非鄉心眠聽雨病骨晚添衣街
鼓春將動簾燈寒未歸梅花經一雪幾片不曾飛

呈李書史

火龍騎日雪飛空
勁草亭亭不見風
臣亮南陽今未老
一鉏雲碎日猶紅

以上四朝詩

陳觀

觀字國秀奉化人咸淳十年進士調新城尉有
蚓竅集

題甄氏訪山亭

水流花落日生雲
日靜風暄草欲薰
老去風流猶未減

一丘一壑要平分

雨後西山翡翠堆結亭直欲近巖隈從今記取溪頭路

一日須來一百迴

四朝詩

熊 鈇

鈇字位辛初名禾字去非世居建陽之鼇峯咸

淳十年進士授寧武州司戶參軍有勿軒集

遊武夷山

我來武夷山遠意超千古嘗疑混沌開疏鑿未經禹峽

山猶古梁洪濤莽回互行舟留大壑營巢餘斷樹垠崖
波濤痕隱隱皆可覩陶然上古民要服固深阻秦威何
桓桓薄海猶廣土六合皆湧沸一枝豈寧處嘗言十三
君隱隱避秦侶一日厭塵寰冷然遂高舉上山娛賓雲
下山滿豺虎神仙何渺茫虹橋想虛語桃源亦其類好
事自誇詡風氣日已開蛇斷出真主遂令閩山取盡入
職方宇漢志名始彰祠堂用魚脯流傳世代久琳宮築
衣羽至今此山名號為神仙府恭惟我遜翁辭闕厥功

溥于馬卜精廬溪山九曲五圖書盡在是斯地儼鄒魯
我以負芟生來茲有年數自慚仁智心未覩高深趣斯
遊亦何意會心覲真遇侃侃平生友惠然冒來顧攜手
敦夙好抗志企遐慕招我山中遊茲遊適予素巍巍大
隱屏屹屹天一柱前瞻晚對亭考槃固其所何當同心
人相與雜榛莽長松期歲寒脩竹倚日暮我自愛此山
躊躇不忍去

禱衣曲

北望悠悠音信少空房遠念心常早流螢煜煜夜稍青
塞雁啞啞寒已到細絲清水練方新在梳半溼日中明
隔籬翁嫗寐不熟月落尚聞砧杵聲將軍錦帳環歌舞
百戰尚遲歸寸土老農肩米肉成瘡思婦裁衣淚如雨
以上勿軒集

曾子良

子良字仲材號平山南豐人徙金谿咸淳進士
仕為淳安令宋亡隱陶塘

輓知臨安府兼浙西制置使曾公淵

子淵

德祐思良弼江西出大臣報忠昭漢議靖獻有殷仁
皦日五朝老清風百世人幾時歸袞繡秋草臥麒麟

永紹傳賢啟慈元拱女堯黿山猶鼎鼎鵬海極扶搖宮
殿春旗曉簾帷社飯朝龍髯攀不及鸞馭去何遙

立海終風黑洗光雙日紅餘波濺渤海仙仗岌崆峒宗
廟神靈在公師禮數崇平生精履屐尚覺小臣忠

返輅榮歸寢帷堂哭設衣神情如夢叶滄海悵心違百

世功言立千年城郭非任安猶未死哀淚不堪揮

忠義集

吳龍翰

龍翰字式賢號古梅歙人咸淳鄉貢後以薦授
編校國史院實錄院文字至元丙子鄉校請充
教授尋棄去有古梅吟橐

程訥齋元鳳云閱吳君詩橐句老而意新咀之
雋永殊非尙作

樂府

妾心江岸石千古無變更即心江上水倏忽風波生

製衣寄夫壻要有冰雪段中間連理枝不忍翦教斷

方虛谷云式賢詩有驚人語如樂府諸篇尤予所深喜者

重陽客中

愁裏重陽近他鄉酒易沽秋風詩鬢短寒夜客燈孤
筵月穿破荷衣霜打枯有懷吟不就端不為催租

晚舟過臨平

烟鐘喚起夕陽愁
蓼蓼臨平春事幽
唯有風蒲愛吟客
岸邊撩亂綰行舟

嚴灘對月憶雪壺六弟

共君看月此徘徊
今夜月明君不來
安得清光刀翦破
為分一半到泉臺

題荊公讀書堂

六籍紛紛盡可奴
翻騰字說乃苗裔
可知山半青燈夜
只讀商君一卷書

以工古梅吟索

登金陵鍾山絕頂

萬仞鍾山著屐登
中原今隔幾峻嶒
自憐不及天邊雁

歲逐春風到八陵

新安文獻志

汪涯

涯字萬頃漢陽人事母孝宣撫賈似道請為客
當作露布獻捷涯瞋目曰咱人以利而退其師
又兒弄主上似道大怒搃殺之其母曰汝以直
死我則不辱可以下報先君矣亦自沈

江帆

江帆去去可腸斷千古萬古越王臺掃空黃葉晚風定

飛盡碧鳥青天回半生無成坐筆硯萬事不理問尊壘
年年看梅今白首已矣英雄畱七哀

江行

江陵白魚如斫玉挂帆獨去風日寒封題兩甕寄白髮
兒涯不是作魚官

秋光蕩漾滿行色鄰舟吹笛不堪聞洞庭濯足一尊酒
夫君不來空白雲

以上谷音

高肺遠

晞遠字照菴通州人咸淳德祐間通判平江府
心遠堂

種竹期十年栽橘盈千頭雖云多遠慮無乃為身謀高
人絕塵累俟德居此丘泰宇無畦畛虛空有天游仁義
尚遠廬道德成安流結茅依翠微極目際平疇白雲度
寥廓黃鵠下滄洲百世此周覽我志尚可求祇應柴桑
翁真趣共悠悠

四朝詩

曹良史

良史字之才號梅南錢唐人咸淳故老與周草

留游有詩詞三摘

俞宗大序云曹君故宮詞十九首與夫拜景靈
游湖曲登北城悼今思古所謂哀而不傷怨而
不怒忠厚而悱惻者也

句

雲生畫佛壁葉落病僧房 閒來閉門處認得讀書聲

牆圍敗屋知無主風響荒林似有人 深樹月昏神火

出斷烟雪霽獵人回

方虛谷跋曹君良史錢唐人衣冠佳盛湖傲山
酣則有咸淳詩摘兵火變遷江淮奔走則有梅
南詩摘句如雲生畫佛壁云云展轉征旗戰鼓
十年間筆力益老矣

錢 頴

頴號菊友

賦翁仲

魏明帝景初元年從長安銅人承露盤盤
折聲聞數十里重不可致留于霸城大發
卒鑄銅人二號翁仲列坐司馬門外

武皇騎龍朝帝后露溼銅仙古苔繡景初命名翁與仲
無復衣冠仍漢舊桓圭大劍高差我不動如山嚴鎮守

豈知屹立司馬門九鼎暗移司馬手變遷陵谷亦何易
洛陽塵埃一回首因嗟寵辱非可常世間何者為長久
君不見後來荊棘埋銅駝坐想失身橫隴畝

隨隱漫錄

秋胡子

郎恩葉薄妾冰清郎說黃金妾不應若使偶然通一笑
半生誰信守孤燈

詩林萬選

家之巽

之巽字志行宋季臨安府倅

定林寺二首

王荊公讀書處

功名良苦賦歸歟
兩鬢霜花百念枯
鍾鼎樓臺渾一夢
數間茅屋亦浮屠

十載浮雲幾變更
歸來鍾阜碧嶙峋
早知山色無今古
只與青山作主人

景定建康志

福勝院

在臨安縣福金山

三過山中寺
勞生有底忙
梵書蟲蠹紙
佛界燕巢梁
曉日光明藏
野花知見香
豐碑如會意
讀罷更彷徨

咸淳臨安

志

劉敏求

敏求字好古號松菊老人泰和人長于詩宋末
累舉不第

題滕王閣

閣中環佩知何處游子再來春欲暮鶯啼紅樹柳搖風
疑是當年舊歌舞古來興廢君莫嗟君看紅日西山斜
西山不改舊顏色換盡行人與落霞

南昌府志

劉光

光字元輝生宋季有曉窗吟卷

句

仙館無人春寂寂一林紅日鍊櫻丹
曉來多謝梁間

燕盡把春愁舉似人
山翁何事衝寒往知有梅花在

隔溪
方回桐江集

韋奇

奇字學易號若溪居安次子二十五歲死

題倪文昌玉湖書院

齊齋老子今安在一去人間餘卅載白衣蒼狗幾千回
惟有西山長不改吳興勝概誇玉湖鵝溪一幅玄暉圖
天光上下渺無極寒玉倒浸清冰壺晴波萬頃瑩如洗
一卷石向波心起先生具眼此結廬收拾溪山入詩裏
漁人艇子時往還笠簪擲下前溪灣一聲欸乃水天碧
回頭卻羨沙烏閒樓高望極情思遠前揖衡山後蒼弁
陌頭楊柳幾春風當年曾識齊齋面我今懷古心悠悠

古人不見令人愁
夕陽收盡暝烟浮
扁舟載月歸來休
梅磳詩話

俞演

演字則大臨安人

句

殘燈吟夜雨
破榻臥秋山
方回桐江集

徐子美

子美號芝石武林人

句

杯行曲水春如昨字入昭陵土亦香

蘭亭集

方回桐江

俞君錫

君錫字仲疇茗溪人有竹屋詩豪

句

洗瓢魚隱石埽葉蜨移家
荒店難尋酒長途半趁船

蚤聲依壞砌樹影倒寒池

方回桐江集

江石卿

石卿有得一文豪

句

太傅數日別劉公一紙書

方回桐江集

汪宗亮

宗亮有白雲漫豪

青溪主客歌

野王手奏淮淝捷門戶歸來有旌節
伸眉一笑紫髯秋袖中猶挾柯亭月
山陰主人載雪舟掀蓬繫纜青溪頭

平生耳熟欠一識
若為牽挽行雲留
一聲橫玉西風裏
蘆花不動鷗飛起
馬蹄依舊入青山
柳梢不動天如水

方回桐江集

方至

至號天慵分水人

句

缺多圓少人如月
盛極衰來物易秋

方回桐江集

曾澈

澈盱江人鮑輓過盱江遇一童子眉目疎朗語
必援古今驚問逆旅主人子也明年載訪死矣
得其詩一首于其同舍生

九齡行

我生九齡氣食牛喑鳴頓挫無匹儔白雲無根起天末
一身萬事同悠悠低頭拱手事先覺談笑未了成仇讐
一譽不足勝百毀言語起滅如浮漚聖賢可與知者道
麟鳳豈在山中遊遽然夢覺大槐國江花昨夜生涼秋

谷音

孫璉

璉字器之大庾人家貧嗜書善吟詠不應舉躬
耕織屨以為食壽百歲

述懷

坐倦秋樹根攝衣步前邱橫河澹如練破月西南流獨
持一尊酒悠然發清謳俯仰無不足吾生焉所求

谷音

薛美

美號獨菴永嘉人

薛瓜廬吾宗人也吾不得而見之得見其詩斯可
矣太息而題于卷杪

結廬兄弟近長安弊卻儒冠竟不彈自茹芝來輕漢名
肯將爪去博唐官貧多樂事清無盡手寫新詩墨未乾
史筆須評隱君傳姓名應作古人看

瓜廬詩附

詠柳

一撮嬌黃染不成藏鴉未穩早藏鶯行人自謂傷離別

枉折無情贈有情

全芳備祖

許庚

庚字伯先號萬松武林人

句

花盡辜啼鳥麻深沒過人
硯潤浮殘墨琴乾響斷弦

方回桐江集

黃滌

滌昭武人

句

橋影不隨流水去
漁歌偏帶夕陽來
當年不作南行

客他日應無北狩人

題鄭介夫祠

方回桐江集

戚明瑞

明瑞字子雲
樵李人讀書會稽五雲山

句

舊夢不堪游
螳國生涯只合在漁舟
鵓鷗歡喜舞南

風望帝花飛春尚寒

方回桐江集

王儀

儀字仲履

題婺源江氏琅玕閣

詩仙長倚玉闌干，句脫塵凡妙不難。
六月雪霜侵几研，一生煙火隔心肝。
鳳管徧風旋應翡翠窗，深露不乾。
記得月明扶醉上，骨輕毛豎怯清寒。

偶作

五月蘋花思渺然，綠波憶蕩浦西船。
寧穿布襪青鞵底，

不醉琵琶綠繭弦
山郭鶯啼春又暮
蕭齋人靜澹無煙
一言滿慰三年別
借枕風前對榻眠

以上吳禮部詩話

李商

記化蝶事

碧梧翠竹名家兒
今作栩栩蝴蝶飛
山川阻深網羅密
君從何處化飛歸

癸辛雜識楊吳字明之娶江氏少艾連歲得子
明之客死之明日有蝴蝶大如掌徊翔于江氏
旁竟日乃去及聞訃聚族而哭其蝶復來繞江
氏飲食起居不置也蓋明之未能割戀于少妻

稚子故化蛟以歸耳李商作詩記之

王庭

庭金華人賈似道幕官似道敗自殺


明堂侍祠

唱徹嚴更鳳鑰開侍祠濟濟列崇陔小臣亦忝廊西獻
惟秉溫恭對越來

玉佩珊珊出禁扉金蓮分炬散芳菲祠班咫尺臨黃道

惹得天香滿袖歸

咸淳臨安志



宋詩紀事卷七十七

欽定四庫全書

集部
宋詩紀事卷七十八

詳校官監察御史臣李陽樞

侍讀臣孫球覆勘

總校官進士臣繆琪

校對官中書臣朱烱

謄錄監生臣李學瞻

欽定四庫全書

宋詩紀事卷七十八

錢塘厲鶚撰

蔣捷

捷字勝欲陽羨人德祐進士自號竹山遁跡不

仕以詞名

東坡田

老去紅灰酒甌前向來青草瘴江邊卜居自為溪山好

不是區區為買田

毘陵志

王易簡

易簡字理得號可竹山陰人宋末登進士除瑞
安主簿不赴隱居城南有山中觀史吟

九鎖山十詠

存二首

大滌洞

蕭灑殊庭西玉室甚孱顏華陽隱邃道元蓋浮塵寰
紉天鼓鳴爛爛巖石斑誰懸隔凡石此石非人間
羣仙本容物為我開重關

來賢巖

絕壁中嵌空秀石下插地
緬懷玉局仙于此冠蓋萃雲
泉儼昨遊卉木遺古意青山日迎客何者傳姓字斯人
千載名覽勝乃餘事

以上洞霄詩集

奉題高房山尚書夜山圖

高侯妙筆生夜光李侯正倚牛斗傍

公畧浙江行省
照磨寓居吳山

淒

涼看盡吳山月玉鏡臺前翠鳳凰

鐵網珊瑚

游寶林寺

元度存遺跡元英有舊詩城中獨高處雪後最佳時拂
壁書行紀逢僧問

一作談

故祠闌干頻徙倚不柰朔風吹

越詠

錢大椿

大椿字坦仲淳安人宋末舉進士

春夜

燕子銜泥已下簾深深庭院薄寒天海棠枝上黃昏月
楊柳枝頭淺澹煙句引芳情春夢蛩頻催愁緒夜啼鵲

踏青年少歸來晚斗酒花陰枕石眠

青溪詩集

盧珏

珏字登父淳安人宋末舉進士有可菴集

天邊風露樓漫題

十二闌干俯碧溪憑高一覽衆山低晴灘歷歷輕帆上
烟樹重重幽鳥啼但覺興隨流水遠不知身與白雲齊
年來欲問東皇信多種梅花在竹西

嚴州府志

真山民

山民自呼山民或云名桂芳括蒼人宋末進士
李生喬歎以為不媿迺祖文忠西山以是知其
姓真痛值亂亡深自湮沒世無得而稱焉惟所
至好題詠因流傳人間張伯子謂為宋末一陶
元亮云有山民集

幽居雜興

松桂小菟裘山扉幽更幽蜂王衙早晚燕子社春
秋鬢
秃難遮老心寬不貯愁年來把鋤手無復揖公侯

山亭避暑

怕礙清風入，丁寧莫下簾。
地皆宜避暑，人自要趨炎。
竹色水千頃，松聲風四簷。
此中有幽趣，多取未傷廉。

泊白沙渡

日暮片帆落，渡頭生暝煙。
與鷗分渚泊，邀月共船眠。
燈影漁舟外，湍聲客枕邊。
離懷正無奈，况復聽啼鵑。

渡江之越宿蕭山縣

昨夜大江舟，今宵小驛樓。
隻身千里客，孤枕一燈秋。
市

酒難成醉鄉書莫寄愁胸中無史記浪作會稽遊

兵後劉秀寬見過

冉冉歲云暮門居安所知途窮身是累痛定語猶悲哀
鬢數莖雪空囊一卷詩儒衣例如此惜也不逢時

東粵廟

頽闌斜照網蛛絲陳迹淒涼萬古悲
柘木尚鳴亡國怨
山松曾見受封時碑因苔蝕無完字
城為田侵失舊基
當日東甌知幾戰如今羸得一荒祠

三峯寺

寂寞烟林噪亂鴉青鞵步入野僧家雲深不礙鐘聲出
日轉還移塔影斜廊下蝸黏沿砌蘚佛前蜂戀插瓶花
竹牀紙帳清如水一枕松風聽煮茶

梅仙山

西都不知壽安用獨長年縱有丹爐在難吹漢火然

九日

嬾把黃花插滿頭正緣老大見花羞年來頗恨儒冠誤

好倩西風吹去休

以工山民集

吳仲軒

仲軒進賢人宋末進士隱居教授元初程鉅夫
疏薦不起

謝程鉅夫學士

抱疾經年久何期徵詔臨芸窗書已蠹竹葉徑尤深空
返皇華使難忘鷗鳥心懷君雖感激衰鬢不勝簪

西江詩話

汪元量

元量字大有號水雲錢唐人以善琴事謝后王
昭儀宋亡隨三宮留燕後為黃冠師南歸往來
匡廬彭蠡間世莫測其去留長身玉立修髯廣
頤音若洪鐘江右人以為神仙多畫其像祀之
有水雲集湖山類稿

李鶴田湖山類稿跋云往時讀泣血錄為之淚
下因歎德祐之事意必有杭之文章鉅公書于
野史後人見而悲之未必不若余今日之讀泣
血錄也一日吳友汪水雲出示類稿紀其亡國
之戚去國之苦間關愁歎之狀備見于詩微而
顯隱而彰哀而不怨歎歎而悲甚于痛哭豈泣

血錄所可並也開元天寶之事紀于草堂後人以詩史目之水雲之詩亦宋亡之詩史也其詩亦鼓吹草堂者也其愁思抑鬱不可復伸則又有甚于草堂者也噫水雲留詩與後人哀耶畱詩與後人愁也可感也重可感也敬賦二十字書綴卷尾云天地事如許英雄鬢已斑淚添東海水愁壓北邙山

錢塘歌

錢塘江上龍光死錢王宮闕今如此白髮宮娃作遠遊
漠漠平沙千萬里西北高樓白雲齊欲落未落日已低
古人不見今人去江水東流烏夜啼

醉歌

亂點連聲殺六更
熒熒庭燎待天明
侍臣已寫投降表
臣妾僉名謝道清

湧金門外雨晴初
多少紅船上下趨
龍管鳳簫無韻調
卻搥戰鼓下西湖

賈魏公府

湖邊不見碾香車
斷珥遺鈿滿路途
門徑風輕飛野馬
亭臺火盡及池魚
海棠花下生青杞
石竹叢邊出紫蘇

卻憶相公游賞日三千衛士立階除

送琴師毛敏仲北行

西塞山前日落處北關門外雨來天
南人墮淚北人笑臣甫低頭拜杜鵑

蘇子瞻喫惠州飯黃魯直度鬼門關
今日君行清淚落他年勛業勒燕山

北征

北師有嚴程挽我投燕京挾此萬卷書
明發萬里行出

門隔山嶽未知死與生三宮錦帆張粉陣吹鸞笙遺祇
拜路傍號哭皆失聲吳山何青青吳水何泠泠山水豈
有極天地終無情回首叫重華蒼梧雲正橫

秋日酬王昭儀

愁到濃時酒自斟挑燈看劍淚痕深黃金臺迥少知己
碧玉調高空好音萬葉秋風孤館夢一燈夜雨故鄉心
庭前昨夜梧桐雨勁氣蕭蕭入短衿

太皇謝太后挽章

大漠陰風起羈孤血淚懸忽聞天下母已赴月中僊哀
樂浮雲外榮枯逝水前遺書乞骸骨歸塋越山邊

女道士王昭儀仙游詩

吳國生如夢幽州死未寒金閨詩卷在玉案道書閒苦
霧蒙丹旆酸風射素棺人間無葬地天上有僊山

瀛國公入西域為僧號木波講師

木老西天去袈裟說梵文生前從此別去後不相聞忍
聽北方燕愁看西域雲永懷心未已梁月白紛紛

全太后為尼

南國舊王母西方新世尊
頭顱歸妙相富貴悟空門
傳法優婆域誦經孤獨園
夜闌清磬罷趺坐雪花繁

以上湖山

類案

題賜硯

斧柯片石伴幽閒
堪與遺民共號頑
試憶當年承賜事
墨痕如淚盡成斑

改蟲齋筆疏水雲以善琴供奉國亡隨三宮入燕久之請為黃冠南歸藏有賜硯背刻天錫永

寶四字分書右刻水雲二篆字左刻楷書絕句
云云其北征古詩云北師有嚴程挽我投燕京
挾此萬卷書明發萬里行則硯必並載入燕以
詩書投瀛國公皆此硯矣

李吟山

贈汪水雲

青雲貴戚玉麟兒曾逐鸞車入紫闥王母窗前窺面日
太真席上畫眉時滄溟水濶龍何在華表秋深鶴未歸
三尺焦桐千古意黃金誰與鑄鍾期

水雲集附

吳仁傑

送汪水雲入湘

碧水波翻海亦摧，奮身鼇背護蓬萊。
忍隨天上紅雲散，卻馭關中紫氣回。
天道有常須變化，元關無鑰任敲推。
攜琴更拜蒼梧野，闕想南薰入調來。

水雲集附

游古意

送謝疊山先生北行

滿懷忠孝有天才，不管人間事已非。
萬里乾坤雙草屨，百年身世一麻衣。
行藏自信牀頭易，臥病惟餐隴首薇。

儻過宗周見禾黍幾多新淚灑殘暉

疊山集附

葉爰梅

送謝疊山先生

后土茫茫兩屨行
綱常事重此身輕
大江有士一人

闕

千載見君雙眼明
俯仰元無媿
今古英雄何必盡公卿
早知莫賣成都卜
省得人知大隱名

疊山

毛靜可

送謝疊山先生

一襟書傳日星懸湖海聲名五十年事不求知惟此理
文之未喪豈皆天人方驚怪歐陽子我獨悲傷魯仲連
看鏡倚樓秋已暮風巾霜屨重依然

疊山集附

魏天應

天應號梅野建安人疊山門人

送疊翁老師北行和韻

先生心事炳丹青頭影何曾媿獨行商嶺芝能如橘隱
首陽粟不似薇清綱常正要身扶植出處端為世重輕

安得寒泉來會宿參同極論到天明

疊山集附

蔡正孫

正孫號蒙齋疊山門人

送疊翁老師北行和韻

山色愁予渺渺青平生心事杜鵑行
霜餐雪虐天終定
歲晚江空水自清
肩上綱常千古重
眼前榮辱一毫輕

離明坤順文箕事此是先生素講明

疊山集附

陳達翁

達翁建安人

送疊山先生

流落崎嶇二十年，幾回灑血杜鵑前。
一雙芒屨乾坤窄，萬古丹心日月懸。
案上靈龜元不食，樊中孤鶴且安眠。
逃名不得名終在，行止非人亦有天。

疊山集附

王濟淵

濟淵字道可，疊山門人。

送疊山先生

希夷何意出山中心事當年漢臥龍行止但憑天作主
別離初不淚霑胸定知晚菊能存節未必寒松肯受封
大義昭明千載事前程儘更好從容

疊山集附

謝 鑰

鑰字君殷號草堂晞髮道人翺之父也

翫月有感

入夜茶甌苦上眉眼花推落石牀棊舉頭卻恨天邊月

顛倒山河作樹枝

天地間集

謝翹

翹字臯羽一字臯父閩之長溪人後徙浦城咸
淳中試進士不第丞相文信公開府延平署咨
議參軍信公被執後避地浙東在浦江主吳渭
家與方鳳吳思齊遊度釣臺南地為文冢名會
友之所曰汐社期晚而信集同好名氏作許劍
錄取吳季子意乙未八月寓杭終于婦劉氏舍
友人方鳳吳思齊輩歸其骨葬于釣臺從初志

也有晞髮集

鄧牧心謝臯羽傳畧云臯父性耿介不以貧累人所居產薪若炭率秋暮載至杭易米卒歲火裕則資遊江海訪前代故實著宋史補唐詩人無傳者三十餘篇傳近世隱逸數篇歲甲午與杭人鄧牧相遇會稽結為方外友牧因為言杭大都會文士輩出余知若干人盍徃見之旬日別去逮牧歸杭君已挈家錢塘江上問所從遊皆前所聞者其信好學也乙未秋牧薄遊山水間君病篤望牧不至懷以詩曰謝豹花開桑葉齊戴勝芊生草藥肥九鎖山人歸未歸蓋絕筆于此

任松鄉謝處士傳畧云臯羽常布衣杖策參人軍事晚登子陵西臺以竹如意擊石歌招魂之詞曰魂來兮何極魂去兮江水黑化為朱鳥兮

其味焉食歌闋竹石俱碎失聲哭何其情之悲也

方韶卿謝臯羽行狀畧云君遺豪在時舊所為悉棄去今在者手抄詩六卷雜文五卷唐補傳一卷南史贊一卷楚辭等芳草圖譜一卷宋鏡歌鼓吹曲騎吹曲各一卷睦州山水人物古蹟記一卷浦陽先民傳一卷東坡夜雨句圖一卷浙東西遊錄九卷春秋左氏續辨歷代詩譜未脫豪選唐韋柳諸家及東都五體在集外

烏棲曲擬張司業

吳宮草深四五月破楚門開烏啼歇美人軍裝多在船
歸來把弓墮弓弦越羅如粟越王獻宮中養蠶不作線

輶轡出屋井水淺
梔樹花姜子如繭
烏栖烏啼宮燭秋
越女入宮吳女愁

廢居行

海濤翻空秋草短
白蛇入窠啗雀卵
經年廢屋無居人
孕婦夜向船中產
歸來多雨白生魚
穴蟲祝子滿戶樞
鄰家置屋供官役
賞得沂王園令宅

古釵歎

刑徒鬼火去飄忽
息婦堆前殯齊發
白烟淚溼樵叟來

拾得慈獻陵中髮青長七尺光照地髮下宛轉金釵二
持歸薰沐置高堂包裹恐為神所將妻兒朝拜復暮拜
冉冉臥病不得瘥省知天物厭凡庸夜送白龍潭水中
叩頭卻顧祈免死永入幽宮伴龍子

瓊花引

后土祠前車馬道天人種花無瑤草英雲藥珠欲上天
夜半黃門催進表酒香浮春露泥泥二十四橋雪如洗
陰風吹雪月墮地幾人不得揚州死孤貞抱一不再識

夜歸閨風曉無蹟蒼苔染根煙雨泣歲久游魂化為碧
後瓊花引

揚州城門夜塞雪揚州城中哭明月墮枝溼雲故鬼愁
西來陰風無健鶻神鴉愁空衆芳歇一夕蒼苔變華髮
宮花織簾塵掩鞦玉華無因進吳越灘灘淮水山央央
誰其死者李與姜

飛仙引遊沃洲水簾谷作

赤城後門桃花尾溼浸蘼蕪洗蒼耳小支菩提海上來

天風吹下谷簾水斜珠界左轉復右華蓋縣肝三葉紫
內閒肉芝承乳流鬼母仙姝臨洗胃蒼龜守關朝太微
色阻讒神誣奏事海桑男子在謫籍驅鹿行車閏年至

和靖墓

山中處士白麻履死後無書獻天子青童玄鶴晝上天
夜下玉棺葬湖水湖隄四合葑如髮芳樹玲瓏倚春雪
百年鳳舞雲霧空玉椀人間出句越宮嵐塔雨恍如失
飛網繞湖冠聚鵲林宇焚芝秋寂歷斗下無人嗣太乙

冬青樹引別玉潛

冬青樹山南陞九日靈禽居上枝知君種年星在尾根
到九泉護龍髓恒星晝實夜不見七度山南與鬼戰願
君此心無所移此樹終有開花時山南金粟見離離白
衣人拜樹下起靈禽啄粟枝上飛

翠鎖亭避雨

自注亭有魏王妃所題字尚新王嘗以王子成德軍節度使鎮南故妃至其處

客有遊山衣著久如薜荔行行萬翠亭忽作風雨憩仰

面無所覩梁間有題字問此何人書婉婉有弱氣云昔
魏王妃書字學李衛乘雲到此山灑墨在空翠塵風吹
土花倏忽景物異疑此夢與仙不類人間世

聽雨

山廚壓炊煙野雨起薄暮孤客臥空牀不識門前路回
風已若休入壑忽如赴荒林啼鬼車往往不見處鄰翁
起厭勝咒作禹餘步聽雨雜咒聲起歌和其語咒靜雨
亦止還眠向窗曙

飲飛廟迎神引

劍歌兮擊筑
茭青兮蓼綠
夕濟甬兮沈玉
步巫兮禹孫
葦神藩兮楚軍
神之乘兮海雲
嗅芳兮越咒
斬將兮神祐
秋零露兮為醕
春集鴉兮神語
風蕭蕭兮滿旗
雲之車兮來思

鴻門讌

火雲屬地汗流宇
杯影龍蛇分漢楚
楚人起舞本為楚
中有楚人為漢舞
鵬鵠淬光雌不語
楚國孤臣泣俘虜

他年疽背怒發此芒碭雲歸作風雨君看楚舞如楚何
楚舞未終聞楚歌

有洗舊誥綾作青色鶯將以為緣以紺繒易得之
作手卷賦小樂章求好事書其後

吳宮輦路傷行客繭冰壓雲凝曉色門前新掃染家鄰
借人鋪設殘衣帛官花翦綾連院號覆取翻看成一道
織紋宛轉敕字新知是初誰六尺誥城霞失彩宮蘚病
中與海圖上衣領改顏倖售緣所遭褪藥玄香洗藍影

青綢易得淚承睫擊筑楚歌無故發歌殘求書好事人
異代儻傳誥綾帖

雪中方四隱君訪宿有詩憶鹿田風雨舊遊奉和
併呈吳六贊府

金華入北山空響出靜竚鹿田在其顛肺石鳴風雨有
客六七人昔遊至其處唯我愁不眠起坐蹴君語謂此
定何聲百感生離緒玩非琴與瑟復異砧將杵醉者呼
不應愁者自為苦空櫺冷孤衾展轉如巢樹溼歌散餘

悲以足拊柱礎爾來又七年欲至困羈旅傳聞老桑門
已復蟬蛻去入山惡少年巾鉢空其聚乃知人世間何
者為客主而我同懷人忽復異處所夢中遙相望各抱
不售賈有客不同遊亦是同懷者地主況有期輿馬不
待假儻規宿山中畸人不應舍

效孟郊體

閒庭生柏影荇藻交行路忽忽如有人起視不見處牽
牛秋正中海白夜疑曙野風吹空巢波濤在孤樹

閨中玳瑁盆貯水看落月看月復看日日月從此出愛
此日與月傾瀉入妾懷疑此一掬水中涵濟與淮淚落
水中影見妾頭上釵

哭正節徐先生

淒涼攜子女冠佩赴重陰塌井千年事青天此夜深哀
辭山石刻卹典海舟沈里族南薰夢東都直至今

送汪十

多年隱賣漿此去結山房埽茵侵花落種松如草長老

期秋欲至貧味水初嘗歲晚逢樵獵音書定不忘

哭所知

總戎臨百粵花鳥瘴江村落日失滄海寒風上薊門雨
青餘化血林黑見歸魂欲哭山陽笛鄰人亦不存

山陰道中呈鄭正樸翁

楊柳遠天色野風來水涯異鄉同夢客今雨故人家越
樹夜啼鳥禹陵冬落花悠悠江海意為爾鬢先華

寒食姑蘇道中

頻年感烟草荒冢幾人耕吳楚逢寒食山村見獨行天
陰月不死江晚汐徐生到海征帆影悠悠識此情

秋日憶過秦國公主園

野影林檎盡山昏瓦塔齊涼宵風雨過一雁西南啼嵐
霧洗巾帨井泉生蒺藜傷心拂塵塵衣淚溼空綈

西臺哭所思

殘年哭知己白日下荒臺淚落吳江水隨潮到海迴故
衣猶染碧后土不憐才未老山中客唯應賦八哀

萬松道中望南太白

筍輿行萬山中有十里亭老樹祇一色野公逾百齡柴
關當太白藥氣近樵青岡草黏枯翼巢枝落退翎期探
幽谷水共劖松根苓艾納下天雨塵風吹冥冥

採藥候潮山宿山頂精藍夜中望海

蛟門南去烏此地望迢迢積溼侵幡黑生寒入夢飄見
燈歸舶夜聞偈解衣朝土植皆為藥山枝不滿樵暗光
珠母徙秋影石花消擬候槎回漢寧甘客老遼卻尋徐

福島因問秦皇橋于彼看日出羽旌焉可招

以上肺髮集

過杭州故宮

禾黍何人為守閣落花臺殿暗銷魂
朝元閣下歸來燕
不見前頭鸚鵡言

紫雲樓閣燕流霞今日淒涼佛子家
殘照下山花霧散
萬年枝上挂袈裟

重過

隔江風雨動諸陵無主園池草自春
聞說就中誰最泣

女冠猶有舊宮人

春閨詞

手觸殘紅頭懶梳香隨蝴蝶
上衣裾暖風吹睡無言語
又向牀頭看夢書

山中道士

山中道士服朝霞二十修行別故家
畱客一杯清苦蜜
蜂房知是近梅花

秋夜詞

愁生山外山恨殺樹邊樹隔斷秋月明不使共一處

秋社寄山中故人

燕子來時人送客不堪離別淚霑衣如今為客秋風裏

更向人家送燕歸

以工晞髮道人近豪

方鳳

鳳字韶卿一字景山婺州浦江人試太學舉禮部不第特恩授容州文學歸隱仙華山同里義烏令吳渭闢家塾敬事之疾革命子樗題其旌

曰容州示不忘也時稱為巖南先生有存雅堂

豪

龔聖予評岳南詩云由本論之在人倫不在人事等而上之在天地不在古今

北山道中

起犯春霜一徑寒清遊乘興約吟鞍眼中最恨友朋少
塵外頻聞山水寬溪落舊痕枯野埠樹浮空翠溼危欄
巖頭幾處懸冰白已作羣羊化石看

西鹿田寺聽雨

禪棲投倦客山雨起更闌窗葉散幽響石林生峭寒洞
深猶暗瀑江遠忽風湍想像雲蘿外應宜晚色看

賦三洞

金華北山三洞天垂髻欲往金華顛春風吹衣雨洗履
瘦筇忽挂蒼山烟山高地平走幽澗根絡石上森楠榎
步從飛橋瞰石洞厓色閱世知幾年風痕霧迹化異物
龍首昂左尾右旋就中暗穴如墓頤急水瀉碧鳴螭弦
溯流東炬照徒涉肩背擦石行拳攣水窮路夷內景得

以炬交燭窮幽玄細紋蹙波湧浪接皓彩凝雪飛霜鮮
大為獅子虎犀象瑣碎亦復蜂屯然蜿蜒雙蟠角尾具
一一玉爪拏蒼堅穹龜負甲色深墨長蛇白質相縈纏
鐘能鐘聲鼓能鼓不假樅虞知誰懸直櫺斜檻藏涵室
短畦長町移原田青雲白霓五色霞笑畫敗絮畱丹鉛
中途經過最深窅伏身低眺洞口泉空明一隙隔遠見
秋蟾浴海光嬋娟左巖架衣頗橫亘疊摺衆皺垂蹢躅
自餘神怪不可極似鑿非鑿鐫非鐫出登山腰叩中洞

外視石井聞潺潺入深蹈險思絕綆長竿揭炬後且先
水簾可俯心為掉到此十九歸言過嗜奇不憚歷磊砢
足以目故差輕便翻身卻望水簾處銀河天落懸吾前
常情疑復下百尺積水定作神龍淵石乾徑闕卻易進
玉筍拔地修而圓宜為淵處乃為屋亦或摩鮮題新篇
同遊疑我久未出笑謂豈欲井底眠林幽風起日已晚
猶睨高洞山之巔薪蒸可買樵我導不遠數里仍攀緣
傍從右壁入深坼如鐵戶限瓊為榜儼然海相挂珠絡

熟視豈信非夸傳左為朝真正面入便想笙鶴遨羣仙
雲霞波濤仙衣裳奇詭豈必下洞專欵然修梁架巖起
左右蒼白龍形全望中極底勝漆黑雙扉隱隱起半邊
天光一道燭扉內知此明罅從何穿雷深壁峭不可往
安得插羽如飛鳶嗟余茲遊尚牽俗身所驟歷辭難宣
但思乞水學坡老洗眼看字消餘年

金華紀遊詩

赤松上下雨霏微八詠樓頭重拂衣西港晴來汀草長

北巖幽處洞泉飛風敲定磬鹿春過月滿丹臺鶴夜歸
歷覽因知古詞客盛誇雲夢未全非

以工存雅堂遺藁

哭陸秀夫

祚微方擁幼勢極尚扶顛鰲背舟中國龍胡水底天
存周已晚蜀盡漢無年獨有丹心皎長依海日懸

金華
離識

仙華山

仙華矗萬仞我乃廬其東日夕與山對今茲踏岑巖起
左信奔鹿當前任啼狻大嘯崖石裂一覽天宇空蒼松

飽風雨絕壑挂老龍樵斧不得睨撫根憩吾躬邈哉軒
轅氏問道由崆峒龍髯一以遠千載悲遺弓猶傳少女
靈鍊玉于焉宮山林重帝胄香火明民衷我來重懷古
攬涕臨西風何當速刺飛一洗磊落胷

金華府志

吳思齊

思齊字子善括蒼人家永康由任子入官監新
城稅調嘉興丞宋亡後主浦陽吳渭清翁家與
謝臯羽方韶卿交好同臯羽登嚴陵西釣臺哭

文丞相臯羽卒又與同人會哭于小爐峯嘗與

韶卿倡和臯羽序而題其編曰風雨集

曰瑄按臯羽西

臺慟哭記語多度詞稱文山為唐宰相魯公三友人為甲乙丙明初張孟兼丁注以甲為吳思齊乙為馮桂芳丙為翁衡程敏政宋遺民錄思齊由任子入官為嘉興縣丞洪提刑起畏辟置類田吏用事者言辨此可通籍思齊曰以民怨祿非得也賈氏柄國上將以鹵簿臨其母喪文待郎及翁將上疏論之懼禍中止思齊以書勗之曰叱嗟而母婢也公不可默俄不願仕請監南嶽廟流寓桐廬值宋亡不出獨與方鳳謝翱方燾友善自號全歸子大德辛丑卒

宋濂吳思齊傳思齊所著書有左氏傳闕疑擬周公瑾平荊州碑司馬孚贊汐社詩集

題鹿苑寺壁間記魯簡肅公羅漢見夢事

是法本平等無怠亦無敬如何證無生却來見參政

姚桐

壽樂郊私語

詹本

本字道生建安人溫言正行丞相江萬里薦為
郎先致書本本方坐門前石上釣使者至問本
居本曰前即持竿渡溪去不知所終

春日攜客游武夷

山腳健枝梧百里插蒼峭
粼粼石可把曙色坐遠釣風
水真笙竽歷落太古調
衣冠帶莽蒼山鬼驚二妙雲月
正忘年花鳥更索笑迴船翠凌亂
吾道付長嘯

間中

萬事問不知山中一樽酒埽石坐
松風綠陰滿巾袖

宿天台

風泉隔西屋獨夜寒自生
開窗失山色白雲壓前楹累
盡得瀟灑去住俱不驚
鼻息答僧鐘霜露入殘更

以工
谷音

皇甫明子

明子字東生四明人性豪宕乘小舟挂布帆載
琴尊書籍釣具往來江湖至元丙子發狂痛哭
蹈海

水國

水國淒涼住秋宵爛漫眠歸雲猶帶雨墮月忽明船社
稷資長算髭鬚近暮年亂離棲不定百口託浮田

海口

窮島迷孤青颶風盪頑寒不知是海口萬里空波瀾蛟
龍恃幽沈怒氣雄屈蟠崢嶸挾秋陰挂席潮如山熒惑
表南紀天去何時還雲旗光慘澹腰下青琅玕誰能居
甬東一死諒非難嗚呼朝宗意會見桑土乾

京口行

京口兵可用酒可飲一語參差族成血忠賊相持各凜
凜豈知好醜隔形骸父為孔鸞子為鴟人衆天定理則
那遺臭流芳且高枕

以上谷音

鮑 輓

輓字以行括蒼人性嗜酒授簡萬言教授得錢
悉送酒家遇客盡飲乃去晚益傲誕衲衣髻結
游青城不返

襄陽行

今日何來春氣柔東城騎馬花綢繆為君停馬一呼酒
花前倒披紫綺裘玉脂汎濫魚鳥飫歌舞倦矣蛾眉愁
千金萬壽好賓主今我不樂歲如流豈比世上狂馳子

一語不合行掉頭嗚呼天倫古所定非有大故寧相尤

天馬

天馬抱奇相緊骨腫方明出入百萬中有如一鳥輕字
宙莽超踏風雲慘經營獨倚雄傑態蕭蕭隨北征朝飲
南海頭夕秣乃幽并失主坐黯淡別羣奮長鳴豈無輕
俠兒金羈懸朱纓但感束帛義不忍負死生低頭為君
老喑喑萬里情

重到錢唐

生死雙飛正可憐
若為白髮上征船
未應分首江南去
更有春光七十年

無賴山光疊疊青
玉魚金盃早飄零
冷思禹穴真奇事
千古衣冠託杳冥

萬家歌舞送浮生
曾有涓埃答太平
猿鶴沙蟲天始定
不須辛苦怨南征

聞道深春雪打圍
誰憐身上藕絲衣
莫憂白壁成塵土
解逐南風萬里歸

唯有寒潮不世情
朝朝暮暮過空城
百年車馬閭門外
獨獨春風草又生

以上谷音

崔 璆

璆字子玉京口人
美風儀善談論
晚病狂攜大瓢
貯酒行市拍掌
歌笑未死十日
自表石題曰
醉鄉伯崔璆之墓

攜戮鉞汎江

酒星落京口
化為崔子玉
孤舟載壺觴
水花紅映肉
小

兒唱銅斗大兒倒醺醺一笑不知年浩蕩天地屋慎勿
臨竇呼人生隨轉燭嗣宗禮法仇鍾會被殺戮

咄咄

咄咄復咄咄小兒成老翁么微各形色追琢元化工不
知春風去又見千綠叢主人美客懷載酒行溪東一步
一回首十步尊已空靈均與太白醒醉同所終願見化
蟻蠓生死託壺中

今日一何好

今日一何好花下醉狼籍醉中有奇事夢見生羽翼浩
蕩排虛空靈君好顏色朱衣持大篆授我醉鄉伯頓首
玉墀下臣璆才蠨蝨封此抑何功請陳愚頑臆臣家京
口東門前大江碧臣願駕長風吹作酒萬石萬象各千
鍾拍拍大庭國推枕在山中紙衾霜曉月

以上谷音

魚潛

潛字德昭姑孰人敦重和易推分澹泊不忤于
物所居環堵埽地焚香彈琴讀書養鵝鴨百頭

以給食終八十餘

楊白花

楊白花誰教度簾幙
搖蕩春風能幾何不
比無情自漂泊
泊人生祇合作支離
長秋鷄啼江水落

古意二首

青青陵上柏
落落勁不摧
人生百年內
朝夕變所懷
斗酒命同好
萬里不顧回
聞有昌國君
談笑黃金臺
柔言更長跪
信是富貴媒
但恐氣習移
古今不同才
寄言去

國者歲晚有餘哀

權衡豈公平天駟但伏櫪東井不救渴倉庫何時實元
工冒假借名器甚可惜如何萬萬古不行督責術

送鄭祕書南歸

垂老乃如此憑高俱惘然空能正幾字好去作千年童
子歌鵲鵲幽人拜杜鵑江花獨爛漫春去得誰憐

聞歌

流雲行水出名姝酒盡花前雙玉壺此曲江南都忘卻

春風轉調小單于

以上谷音

柯芝

芝字士先瑞陽人早通五經善詞賦又詣行在所見章祕書求讀書省中益通諸家教授生徒著書百餘卷

餘髮

餘髮蕭蕭白垂領十年一拙門庭冷來頻沙鳥頗相識起晚鄰雞已三請形骸挂樹豈復好心緒如蓬不能整

平生幾緬空馭駟老去一杯先酩酊俗言祗虞方鑿迂
人事但愜幽居屏聖賢未必盡芻狗天地何堪共鼃黽
若為苴履曾足芥幸不柳衫真欲癭一聲樵響何處來
獨立看雲發深省

耳耳

耳耳非佳語陸陸難為顏我生胡不淑多戚長鮮歡搖
落復已綠春風滿江干最靈起予興欲言骨肉酸園桑
摧為新桃李亦半殘翹堯企晴燠九室十更寒飛錢如

美色乃入貴者闌丘間有穀賣窮欄朝無饘不售信成
隱徒手良抱歎宛轉惕餘息溝壑分寸間吾輩正不免
遑暇卹彼瘝

橫江

橫江一片碧攜鶴上漁船收綸不成下卻抱釣竿眠

以上

谷音

柯茂謙

茂謙字退之芝之子

江行早發

陶鑪煮孤影寒燈沸青花冰開數江樹月落失人家

魯港

賈似道喪師之地

十年回首付霑襟斷甲沈沙齒齒深可惜使船如使馬
不聞聲鼓但聲金人歌鬼哭都堪淚水落江空正獨吟
遺老蕭條漸無語酒旗颭颭出蘆林

以上谷音

師嚴

嚴字道立襄陽人讀書識大義善槩射自圍中

拔身走行在所上書論事不報拂衣去客死武陵

蘭五見訪

漢陰美人青兕裘獨騎瘦馬尋荒丘花前下馬迎一笑
珠玉在側形骸羞酒酣散髮箕踞坐錦帶爛爛懸吳鉤
剗蛟刺虎好身手碧瞳如水涵清秋惜哉科目大脫畧
壯士豈為章句囚中原格鬪困不已江波木落寒悠悠
武陵客居

浩蕩千年調飢寒八尺身不愁逢魍魎可笑繫麒麟殘
雪江村路空山澗水春時危終遠去道在豈全貧

公安早發

去國秦公子窮途阮步兵別離如昨日豪俠異平生江
月為誰好已船何處行高秋伴搖落早發若為情

以上
谷音

邵定

定字中立廬陵人溫粹博雅通周易春秋宅邊
植梅竹蘭桂蓮菊各十餘本深衣大帶婆娑其

間自稱六薌老人

山中

白日看雲坐清秋對雨眠
眉頭無一事筆下有千年

漁家

漁家臨水住春盡無花開
年年謝流水流得好花來

以上

谷音

宋詩紀事卷七十八